



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Exetasis Testimoniorvm, Qvae Martinus Bucerus ex
Sanctis Patribus, non sanctè edidit**

Gardiner, Stephen

Lovanii, 1554

Ambrosius 1. Thimoth. 3.

urn:nbn:de:hbz:466:1-29410

nem ornare cupimus, vt per hunc vitæ quoque perpetuitatem acquiramus, attendamus nobisipfis, ne, quo pacto, quod professione nostra fit indignū, facientes, incidamus in iudicium Ananiæ. Erat enim primū in potestate Ananiæ, non polliceri Deo veditū agrū: verū posteaq̄ humanā gloriā spectās, agrū Deo per promissionē cōsecrauerat, ita vt liberalitatis gratia celebris redderetur apud homines, vbi de precio illius aliqd̄ suffuratus est, talē cōtra se mouit Domini indignationem, cuius minister erat Petrus, vt neque ad pœnitētiā aditum inuenerit. Ad hūc itaque modum, ante professionem grauis ac religiosæ vitæ, liberum est volenti iuxta concessam & legitimam viuendi rationem, coniugio sese tradere: eū verò qui sese iam propria professione obstrinxit Deo, se conseruare conuenit, tanquam anathema quoddam sacrum: ne sacrilegii sese iudicio reddat obnoxium, si corpus per promissionē Deo consecratum, denuo communis vitæ seruitute polluat.

Ambrosius 1. Thimoth. 3.



A quæ min^o dixerat de ordinatione diaconatus, nūc subiecit: ostēdit etiam istos vnus vxoris viros esse debere, vt hi ad ministeriū Dei eligantur, qui nō egressi constitutum Dei: homini enim vnā vxorem decreuit Deus, cū qua benedicatur. Nemo enim cum secunda benedicatur. Qui si filios bene gubernauerint, & domos suas, id est vernaculos aut domesticos

L poterint

Distinctio
tēporū, quæ
confundit
Bucerus, qui
etiā nūc cō-
petenter di-
ci putat (Nō
est bonū ho-
mini esse
soli.)

poterint digni fieri sacerdotio, & fiduciam habere apud Deum, & sciant se posse impetrare quod postulant, iam de cetero se ab usu fœminæ cohibentes. Veteribus enim idcirco cōcessum est Leuitis aut Sacerdotibus vxores ad usum habere, quia multum tempus ocio vacabant à ministerio aut sacerdotio. Multitudo enī erat Sacerdotū, & magna copia Leuitarū, & vnusquisq; certo tēpore seruiabat diuinis cęremoniis secūdum institutū Dauid: hic enī viginti et quatuor classes constituit sacerdotū, vt vicibus deseruirēt. Vnde Abia octauā classē habuit, cuius vice Zachariasungebatur sacerdotio, sicut continetur in Paralipomenō, ita vt tēpore quo nō illos cōtingebat deseruire altari, domorū suarū agerēt curā: at vbi autē tēpus imminebat ministerii, purificati aliquātis diebus accedebāt ad tēplum offerre Deo. Nunc autem septē diaconos esse oportet, aliquātos prębiteros, vt bini sint per ecclesias, et vnus in ciuitate episcopus, ac per hoc omnes à cōuentu fœminę abstinere debere, quia necesse est eos quotidie pręsto esse in Ecclesia, nec habere dilationē, vt post cōuentū legitimè purificētur sicut veteres. Omni enim hebdomada offerendū est, etiā si nō quotidie peregrinis, incolis tamē vel bis in hebdomada, & nō desunt qui propè quotidie baptizētur ægri. Nā veteribus ideo concessum est, quia multo tempore in tēplo non videbātur, sed erāt priuati: si enī * plebis hominibus orationis causa ad tempus abstinere se pręcipit, vt vacent orationi, quanto

quāto magis Leuitis aut Sacerdotibus, quos die noctūque pro plebe sibi commissā oportet orare.

Gregorius Venantio Cancellario Italiae.

ANanias pecunias deo vouerat, quas post diabolica victus persuasione subtraxit. Sed qua morte multat^o est, scis. Si ergo ille mortis periculo dign^o fuit, qui eos quos dederat nūmos, Deo abstulit, cōsidera quāto periculo in diuino Iudicio dignus eris, qui nō nūmos, sed temetipsū Deo oīpotēti, cui te sub monachali habitu Deo voueras, subtraxisti. Cōsidera iudiciū Dei quod mereatur, qui semetipsum Deo vouit, cōtinuōq; mūdi desiderijs irretitus, mētitus est quod vouit. *Idem Gregorius de pasto. cura: parte 3. Cap. 28.*

Admonēdi sunt cēlibes, ne sine dānationis iudicio misceri se fœminis vacātib^o putēt. Cū enī Paulus fornicationis vitiū tot criminibus execrandis inseruit, cuius sit reatus, indicauit dicēs: Neq; fornicatores, neq; seruiētes idolis neq; adulteri, neq; molles, neq; masculorū concubitores, neq; fures, neque auari, neq; ebriosi, neq; maledici, neque rapaces, regnū Dei possidebunt. Et rursus, fornicatores autē & adulteros iudicabit Deus. Admonendi sunt itaq;, vt si tentationū procellas cū difficultate salutis tolerāt, cōiugii portū petāt: scriptū nanq; est, Melius est nubere quā vri: sine culpa quippe ad coniugium veniunt, si tamen necdum meliora vouerunt. Nam quisquis bonum maius subire proposuit, bonū minus quod licuit, illicitum fecit: scriptum quippe est,

L ii nemo

Quantū tribuat ore Bucerus Gregorio, elogio preclarè testatus est: quantulum verò ipsa re det, vita & doctrina fecit manifestum.